

前定录

钟
辂

文硕阁

wenshuoge.com

目录

关于我们

提要

前定録原序

前定録

续前定録

3

5

6

7

16

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案前定錄一卷续錄一卷唐钟辂撰辂太和中人官崇文馆校书郎唐书艺文志作钟籀未详孰是也是书所錄前定之事凡二十三则与书錄解题所言合前有自序称庶达识之士知其不诬奔竞之徒亦足以自警较他小説为有劝戒高彦休唐阙史曰世传前定錄所载事 实繁其间亦有邻委曲以成其驗者盖即指此书然小説多不免附防亦不能独为此书责也续錄一卷不题撰人名氏书錄解题亦载之观其以唐明王与唐元宗析为两条知为 采 书而成失于删并又柳宗元一条乃全引龙城錄语龙城錄为宋王铎伪撰则非唐以前书明矣乾隆四十六年四月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

前定錄原序

人之有生修短贵贱圣人固常言命矣至于纖芥得防行止饮啄亦莫不有前定者焉中人以上防有不闻其说然得之即喜失之则忧遑遑汲汲至于老死罕有居然俟得静以待命者其大惑欤余顛遇迷方不达变态审固天命未尝劳心或逢一时偶一事泛乎若虚舟触物曾莫知指遇之所由推而言之其不在我明矣太和中讎书春阁秩散多暇时得从乎博闻君子征其异说每及前定之事未尝不三复本末提笔记録日月稍久渐盈筐篋因而编次之曰前定錄庶达识之士知其不诬而奔竞之徒亦足以自警云尔钟辂序

前定錄

唐 钟谿撰

郑防

开元二十五年郑防为广文博士有郑相如者年五十余自陇右来应明经以从子谒防防待之无异礼他日复谒亦如之相如因谓防曰叔父颇知某之能否夫子云其或继周者虽百世可知也某亦庶防于此若在孔门未敢邻于顔子如言偃子夏之徒固无所让防大异之固诘所验其应如响防乃杜门累日与之言因谓之曰若然君何不早为进取而迟暮如是相如曰某来岁方合成名所以不预来者时未至耳防曰君当为何官曰后七年 授衢州信安县尉秩满当卒防曰吾之后事可得闻乎曰自此五年国家当改年号又十五年大盗起幽蓟叔父此时当被玷污如能赤诚向国即可以免迁谪不尔非所料矣明年春果明经及第后七年调授衢州信安县尉将之官告以永诀涕泣为别后三年有考使来防问相如存否曰替后数月暴终于佛寺至二十九年改天宝十五年安禄山乱东都遣伪署西京留守张通儒至长安驱朝官就东洛防至东都伪署水部郎中乃思相如之言佯中风疾摄市令以自污而亦潜拜章防上肃宗肃宗即位灵武后东京平令三司以按受逆命者罪防以心不附贼贬台州司户而卒

裴谕

宝应二年户部郎中裴谕出为庐州刺史郡有二迁客其一曰武彻自殿中侍御史贬为长史其一曰于仲卿自刑部员外郎贬为别驾谕至郡三日二人来候谒谕方与座俄而吏持一刺云寄客前巢县主簿房观请谒谕方与二客话旧不欲见观语吏云谢房主簿相访方对二客请俟他日吏以告观观曰某以使君有旧宜以今日谒固不受命吏又入白谕谕曰吾中外无有房氏为旧者乃令防其祖父官讳观具以对又于懷中探一 旧书以受吏谕览之愀然遽命素服引于东庑而吊之甚哀既出未及易服顾左右问曰此有府职月请八九千者乎左右曰有名逐要者是也遽命吏出牒以署观时二客相顾甚异之而莫敢发问谕既就榻叹息因谓二客曰君无为复患迁谪事固已前定某开元七年罢河南府文学时至大梁有陆仕佳为浚仪尉某往 之仕佳座客有陈留尉李揆开封主簿崔器方食有前襄州功曹叅军房安禹继来时坐客闻其善相人皆请之安禹无所让先谓仕佳曰官当再易后十三年而终次谓器曰君此去二十年当为府寺官长有权位而不见曹局亦有壽考次谓揆曰君今岁名闻至尊十三年间位极人臣后二十年废弃失志不知其所以然也次谓某曰此后歷踐清要然无将相年至八十言讫将去私谓某曰少间有以奉托幸一至逆旅安禹既归某即继往至则言欵甚密曰君后二十八年当从正郎为江南郡守某明年当有一子后合为所守郡一官君至三日当令奉谒然此子命薄不可厚禄愿假俸十千已下此即安禹子也彻等咸异其事仕佳后再受监察御史卒器后为司农丞肃宗在灵武以防称防骤拜大司农及归长安累奉使后十余年竟不至本曹局揆其年授右拾遗累至宰相后与时不叶放逐南中二十年除国子祭酒充吐蕃防盟使既 行而终皆如其言安禹开元二十一年进士及第官止南阳令

刘邈之

彭城刘邈之天寶中调授岐州陈仓尉邈之从母弟吴郡陆康自江南来有主簿杨豫尉张颢者闻康至皆来贺邈之时冬寒因饮酒方酣适有魏山人琮来邈之命下帘帷迎于庭且问其所欲琮曰某将入關请一食而去邈之顾左右命具刍米于馆琮曰某非悠悠求一食者今将追延山人就于驿日旰矣若就馆则虑不及请于此食而过邈之以方饮有难色琮曰某颇能知人 果从容亦有所献邈之闻之喜遽命褰帷而坐客亦乐闻其说咸与揖让而坐时康已醉卧于东榻邈之乃具饌既食邈之有所请琮曰自此当再名闻某官至二邑宰而不主务二十五年而终言讫将去豫颢固止之皆有所请谓豫曰君八月勿食驴肉食之遇疾当不可救次谓颢曰君后政官宜与同僚善勿与官长不叶如或不叶必为所害豫颢不悅琮知其意乃曰某先知者非能为君祸福也因指康曰如醉者不知为谁也明年当成名防官十余政寿考禄位诸君子不及也言讫遂去亦不知所往明年逆胡防两京 宗幸蜀陈仓当路时豫主邮务常念琮之言记之于手板及驺骑交至或有与豫旧者因召与食误防驴肠数脔至暮腹胀而卒颢为临濮丞时有寇至郡守不能制为贼所防临濮令薛景先率吏及武士持刀与贼战贼退郡平节度使以闻即日拜景先为长史领郡务而颢常与不叶及此因事笞之遂愤惋而卒邈之后留都下登科拜汝州临汝县令转润州上元县令在任无政皆假掾以终考明年康明经及第授秘书省正字充陇右巡官府罢调授咸阳尉迁监察御史整屋令比部员外郎连典大郡厯官二十二考

武殷

武殷者邳郡林虑人也少有名誉乡里信爱尝欲娶同郡郑氏则殷从母之女也姿色絶世雅有令德殷甚悅慕女意亦愿从之因求为壻有成约矣无何逼于知己所荐将举进士期以三年从母许之殷至洛阳闻勾龙生善相人兼好饮酒时殷持榼造焉生极喜与之竟夕因谓殷曰子之禄与壽甚厚然而晚遇未至七十而小厄殷曰今日之事未暇于此请以近事言之生曰君言近事非名与婚乎殷曰然生曰自此三年必成大名如其婚娶殊未有兆殷曰约有所娶何言无兆生笑曰君之娶郑氏乎曰然生曰此固非君之妻也君当娶韦氏后二年始生生十七而君娶之时当官未逾年而韦氏卒殷异其言固问郑氏之夫即同郡郭子元也子元娶五年而卒然将嫁之夕君其梦之既二年殷下第有内黄人郭绍家富于财闻郑氏美纳赂以求其婚郑之母聚其族谋曰女年既笄殷未成事吾老矣且愿见其所适今有郭绍者求娶吾欲许之何如诸子曰唯命郑氏闻之泣恚将断髮为尼者数四及嫁之夕忽得疾昏 若将不救时殷在京师其夕梦一女子流涕呜咽似有所诉视之即郑氏也殷惊问其故良久言曰某常仰慕君子之德亦知君之意且曾许事君矣今不幸为尊长所逼将适他氏没身之恨知复何言遂相对而泣因惊 悲惋且异其事乃发使验之则果适人问其姓氏则郭绍也殷数日思勾龙生言颇验然疑其名之异耳及肃宗在储邸名绍遂改子元殷明年擢第更二年而子元卒后十余年殷厯位清显每求娶輒不应后自尚书郎谪官韶阳郡守韦安贞固以女妻之殷念勾龙生之言恳辞不免娶数月而韦氏亡矣其后皆验如勾龙生之言尔

豆卢署

豆卢署本名辅真贞元六年举进士下第将遊信安以文谒郡守郑式瞻甚礼之馆给数日稍狎因谓署曰子复姓不宜两字为名将为改之何如署因起谢且求其所改式瞻书数字若著者助者署者曰吾虑子宗从中有同者故书数字子当自择之其夕宿于馆梦一老人谓曰闻使君与子更名子当四举成名四者甚佳后二十年为此郡守因指郡隙地曰此可以建亭台既寤思之四者署字也遂以为名既二年又下第以为梦无征知者或诮之后二年果登第盖自更名后四举也太和九年署自秘书少监为衢州刺史既至周览郡内得梦中所指隙地遂特创一亭名曰征梦亭

乔琳

乔琳以天寶元年冬自太原赴举至大梁舍于逆旅时天寒雪甚琳马死佣仆皆去闻浚仪尉刘彦庄喜賓客遂往告之彦庄客申屠生者善鉴人自云八十已上颇箕踞傲物虽遇知名之士未尝与之揖让及琳至则言款甚狎彦庄异之琳既出彦庄谓生曰他宾客贤与不肖未尝见生与之一言向者乔生一布衣耳何词之密欤生笑曰此固非常人也且当为君之长吏宜善视之必获其报向与之言盖为君结交耳然惜其情反于气心不称质若处极位不至百日年过七十当主非命子宜志之彦莊遂馆之数日厚与车马送至长安而申屠生亦告去且曰吾辱君之惠今有以报矣请从此辞竟不知所在琳后擢进士登第累佐大府大厯中除州刺史时彦庄任修武令误断狱有死者为其家讼冤诏下御史劾其事及琳至竟获免建中初征拜中书侍郎平章事在位八十七日以疾罢后防贼朱泚中方削髮为僧泚知之竟逼受逆命及 复亦陈其状太尉李晟欲免其死上不可遂诛之时年七十一矣

张轅

吳郡张轅自奉天尉将调集时李庶人锜在浙西兼 筦轅与之有旧 往谒且求资粮未至梦一人将官告至云张轅可知 州新喻县令轅梦中曰已曾为赤尉不宜为此固不 受其人曰两季之俸支牒已行不受何为遂委之而去轅觉竟恶之及见锜具言将选告以乏困锜留之数日将辞去锜因谓曰足下选限犹遠且能为一职乎亦可资桂玉之费轅不敢让因署毗陵郡盐鐵场官轅以职虽卑而利厚遂受之既至所职视其簿书所用印乃 州新喻废印也轅以四月领务九月而罢两季之俸皆如其言

庞严

京兆尹庞严为衢州刺史到郡数月忽梦二僧入寝门严不信释氏梦中呵之僧曰使君莫怒余有先知故来相告耳严喜闻之乃问曰余为相乎曰无有节制乎曰无曰然则当为何官曰廉察而无兵权有土地而不出畿内过此以往非吾所知也曰然壽防何曰惜哉所乏者壽向使有壽则无求不可曰当何日去此曰来年五月二十三日及明年春有除替先以状请于廉使元稹素与严善必谓得请行有日矣其晦日宴客得元公复书云请候交割严发书曰吾固知未可以去具言其梦中事于座中竟以五月二十三日发后为京兆尹而卒

李敏求

京兆尹赵郡李敏求应进士八就礼部试不利太和九年秋旅居宣平里日晚拥膝愁坐忽如沈醉俄而精魄去身约行六七十里至一城府门之外有数百人忽有一人出拜之敏求曰何人也答曰某即十年前所使张岸也敏求曰汝前年随吾旅游卒于泾州何得在此对曰某自离二十二郎后事柳十八郎职甚雄盛今作泰山府君判官二十二郎既至此亦须一见遂于稠人中引入通见入门两廊多有衣冠或有愁立者或白衣者或执简板者或有将通状者其服率多紫色或绿色既至防柳揖与之言曰公何为到此得非为他物所诱乎公宜速去非久住之所也敏求具如此答柳命吏送出将去恳求知将来之事柳曰人生在世一食一宿无不前定所不欲人知者虑君子不进德修业小人惰于农耳君固欲见亦不难尔乃命一吏引敏求至东院西有屋一百余间从地至屋书架皆满文簿籤帖一一可观吏取一卷唯出三行其第一行云太和二年罢举第二行云其年婚姻得伊宰宅钱二十四万其第三行云受官于张平子余不复见敏求既醒具书于缥帙之间明年客游西京过时不赴举明年遂娶韦氏韦之外亲伊宰将鬻别第召敏求而售之因访所亲得价钱二百万伊宰乃以二十万贖敏求既而当用之券头以四万为货时敏求与万年尉户曹善因请之卒不用所资伊亦贖焉累为二十四万明年以防调授河南北县尉县有张平子墓时说者失其县名以俟知者

韩晋公

韩晋公滉在中书尝召一吏不时至怒将挞之吏曰某有所属不得遽至乞宽其罪晋公曰宰相之吏更属何人吏曰某不幸兼属陰司晋公以为不诚怒曰既属陰司有何所主吏曰某主三品以上食料晋公曰若然某明日当以何食吏曰此非细事不可显之请疏于 过后为验乃恕之而系其吏明旦遽有诏命既对适遇太官进食有糕麋一器上以一半赐晋公食之美又赐之既退而腹胀归私第召医者视之曰食物所拥宜服少橘皮汤至夜可啗浆水粥明旦疾愈思前夕吏言召之视其书则皆如其说公因复问人间之食皆有籍也答曰三品以上日支五品已上而有权位者旬支凡六品至九品者季支其有不食禄者岁支

张宣

杭州临安县令张宣宝歷中自越府户曹掾调授本官以家在浙东意求萧山宰出谒已前三日忽梦一女子年二十余修刺来谒宣素贞介梦中不与之见女子云某是明府邑中之客安得不相见耶宣遂见之礼貌甚肃曰妾有十一口依在贵境有年数矣今闻明府将至故来拜谒宣因问县名竟不对宣因告其族人曰且志之及后补湖州安吉县令宣以家事不便将退之族人曰不然前夕所梦一女子安字乎十一口吉字乎此陰騭已定退亦何益宣悟且笑曰若然固应有定遂受之及秩满数年又将选时江淮水歉宣移家河东固求宋亳一官将引家住又梦前时女子顔貌如旧曰明府又当宰妾之邑也宣曰某已为夫人之邑今岂再授乎女子曰妾自明府罢秩尝即迁居今之所止非旧地也然往者家属凋防略尽今唯三口为累耳明府到后数月亦当辞去言讫似若凄怆宣亦未喻及唱官日乃得杭州临安县令宣叹曰三口临字也数月而去吾其忧乎到任半年而卒

杜思温

贞元初有太学生杜思温善鼓琴多遊于公侯门馆每登临宴往往得与尝从宾客夜宿城南苟家觥中夜后山月如昼而遊客皆醉思温独携琴临水闲泛忽有一叟支颐来听思温谓是座客殊不回顾及曲罢与语乃知非向者同遊之人遽置琴而起老人曰少年勿怖余是秦时河南太守梁陟也遭难身没于此中平生好鼓琴向来闻君抚琴 轸清越故来听耳知音难遇无辞更为我弹之思温奏为沈湘老人曰此弄初成吾尝防之其间音指稍异此思温因求其异随而正之声韵涵古又多怨切时人莫之闻也叟因谓思温曰君非太学诸生乎曰然曰君何不求于名誉而常为王门之伶人乎思温竦然受教且问穷达之事叟曰余之少子主管人间禄籍当为君问之此后二日当再防于此至期而思温往见 亦至焉乃告曰惜哉君终不成名亦无正官然有假禄在巴蜀一十九年俸入不絕然慎勿为武职当有大祸非禳所免志之志之言讫遂不见思温明年又下第遂罢举西遊抵成都以所艺谒韦令公公甚重之累署要籍随军十七八年所请杂俸月不下二万又娶大将军女车马第宅甚盛而妻父常欲思温在辕门思温记老人之言輒辞不就后二日家请韦令公遂补讨击使牒出方告不敢复辞而常惧祸至求为遠使竟不果及刘霸反叛时思温在鹿头城城防为官军所杀家族不知所在也

李相国揆

李相国揆以进士调集在京师闻宣平坊王生善易筮往问之王生每以五百文决一局而来者云集自辰及酉不得次而有空反者揆时持一縑晨往生为之开卦曰君非文字之选乎当得河南道一尉揆负才华不宜为此色悵忿而去王生曰君无怏怏自此数月当为左拾遗前事固不可涯也揆怒未解生曰若果然幸一枉驾揆以书判不中第补汴州陈留尉始以王生之言有征复诣之生于几下取一緘书可十数 以授之曰君除拾遗可发此緘不尔当大咎揆藏之既至陈留时采访使倪若水以揆才华族望留假府职防郡有事须上请择与中朝通者无如揆乃请行开元中郡府上书姓李者皆先谒宗正时李璆为宗长适遇上尊号揆既谒璆素闻其才请为表三通以次上之上召璆曰百官上表无如卿者朕甚佳之璆顿首谢曰此非臣所为是臣从子陈留尉揆所为乃下诏召揆时揆寓宿于怀遠坊卢氏姑之舍子弟闻召且未敢出及知上意欲以推择遂出既见乃宣命宰臣试文词时陈黄门为题目三篇其一曰紫丝盛露囊赋二曰答吐蕃书三曰代南越献白孔雀表揆自午及酉而成既封请曰前二首无所遗恨后一首或有所疑愿得详之乃许拆其緘涂八字旁注两句既进翌日授左拾遗旬余乃发王生之緘视之三篇皆在其中而涂注者亦如之遽命驾往宣平坊访王生则竟不复见矣

薛少殷

河南薛少殷举进士忽一日暴亡于长安崇仪里有一使持牒云大使追俄引至府门见府官即鲜于叔明也少殷欲有所诉叔明日寒食将至何为餒鸡子食也东面有一僧手持寶塔门扇双开少殷已在其中叔明日某方欲立事和尚何为救此人乃迫而出令引少殷见判官及

出门之西院阍者入白逡巡闻命素服乃引入所见乃亡兄也叙泣良久曰吾以汝久未成名欲荐汝于此分主公事故假追来非他也少殷时新婚姻 不愿往兄曰吾同院有王判官职居西曹汝既来此可以一谒而去乃命引少殷于西院见之接待甚厚俄闻备饌海陆毕备未食王判官忽起顾见向者持塔僧僧曰不可食食之则无由归矣少殷曰饥甚奈何僧曰唯煎姜可食乃取食之而王判官竟不至僧曰可去矣少殷复出诣兄且请去兄知不可留乃白府官许之少殷既得归人间愿知当为何官兄曰此甚难言且何用知之少殷 请乃召一吏取籍防阅不令少殷见之曰汝后年方成名初任当极西之官次得歷畿赤簿尉又一官极南此外吾不知也临别兄曰吾旧使祇承人李俊令随汝去有危急即可念之既去每过危险皆见其僧前引少殷曰弟子素不相识和尚何乃见防如此僧曰吾为汝持金刚经故相防尔既醒具述其事后果及第未防授秘书省正字充和蕃判官及回改同安主簿秩满遇赵昌为安南节度少殷与之有旧 求为从事欲压极南之官昌许之曰乘递之镇未暇有表至江陵当以表请及表至少殷防以母丁忧服除选授万年县尉时青淄卒吏与驸马家童鬪死京兆府不时奏德宗怒时少殷主贼曹务一日乃贬高州雷泽县尉十余年备歷艰苦而李俊常有所护及顺宗嗣位有诏 録贬官少殷移至桂阳与贬官李定同行过水勒马与一从人言即李俊也云某月日已足拜别而去少殷曰吾兄言官止于此李俊复去将不久矣李定惊感蹙问其事具以告之少殷十数日而卒

孝叔

孝叔者陈郡人也少事母以孝闻母尝得疾恍惚逾月不痊孝叔忽梦一老父谓曰子母疾可治孝叔问其名居不告曰明旦迎吾于石坛之上当有药遗子及觉乃周览四境所居之东十里有废观古石坛而见老父在焉孝叔喜拜迎至于家即于囊中取丸灵丹一圓以新汲水服之即日而瘳孝叔德之欲有所荅皆不受或累月一来然不详其所止孝叔意其必能歷算爵禄常欲发问而未敢言其后一旦来谓孝叔曰吾将有所适故来访别于怀中探出一编书以遗之曰君之壽与位尽具于此事已前定非智力之所及也今之躁求者适足徒劳耳君藏吾此书御名勿预视但受一命即开一幅不尔当有所损孝叔跪受而别后孝叔寢疾殆将不救其家或问后事孝叔曰吾为神人授书一编曾未开卷何遽以后事问乎旬余其疾果愈后孝叔以门防调授密州诸城县尉五转蒲晋县令每之任辄视神人之书时日无差后秩满归闾乡别墅因晨起欲就巾栉忽有物坠于镜中 蛇而有四足孝叔惊仆於地不语数日而卒后逾月其妻因阅其笥得老父所留之书犹余半轴因叹曰神人之言亦有诬矣书尚未尽而人已亡乃开视之其后唯有空 数幅画一蛇而盘照中矣孝叔之叔修已元和初为太学生具说其事

马遊秦

吏部令史马遊秦开元中以年满当选时侍郎裴光庭以本銓旧吏问其所欲遊秦不对固问之曰某官已知矣不敢复有所闻光庭曰当在我安得知之遊秦不答亦无惧色光庭怒曰既知可以言乎遊秦曰此可志之未可言之乃命疏其事自藏于楹栋之间期注唱后发之时老君见于骊山銮輿亲幸其地因改防昌县为昭应县光庭以旧无昭应之名谓遊秦莫得而知

也遂补其县録事及唱官之日发栋间所志之书则如言尔

韦泛

韦泛者不知其所来大歴初罢润州金坛县尉客遊吳兴维舟于兴国佛寺之水岸时正月望夜士女繁防泛方寓目忽然暴卒县吏捕验其事未已再宿而苏云见一吏持牒来云府司追遂与之同行约数十里忽至一城兵卫甚严入见多是亲旧往还泛惊问吏曰此何许也吏曰此非人间也泛方悟死矣俄见数骑呵道而来中有一人衣服鲜华容貌甚伟泛前视之乃故人也惊曰君何为来此曰为吏所追其人曰某职主召魂未省追子因思之曰嘻误矣所追者非追君也乃兖州金乡县尉韦泛也遽叱吏送之归泛既喜得返且恃其故人因求其禄壽其人不得已密谓一吏引于别院立泛于门吏入持一丹笔来书其左手曰前杨复后杨后杨年年强七月之节归 乡泛既出前所追吏亦送之既醒具述其事沙门法宝好异事尽得其实因传之后六年以调授太原杨曲县主簿秩满至京师适遇所亲与盐铁使有旧遂荐为杨子县巡官在职五年建中元年六月二十八日将赴选以暴疾终于广陵旅舍其日乃立秋日也

陈彦博

陈彦博与谢楚同为太学广文馆生相与齐名彦博将取解忽梦至都堂见陈设甚盛若行大礼然庭中帷幄饰以锦绣中设一榻陈列几案上有尺牋望之照耀如金字彦博私问主事曰此何礼也荅曰明年进士人名将送上界官司阅视之所彦博惊喜因求一见其人引至案傍有紫衣人执象简彦博见之敛衽而退紫衣曰公有名矣可以视之遂前见三十二彦博名在焉从上二人皆姓李而无谢楚名既晤独喜不以告人及楚同过防试有自中书见名者密以告楚而不言彦博彦博闻之不食而泣楚乃谕之曰君之能岂后于楚设使一年未利何若是乎彦博方言其梦且曰若果无验吾恐终无成矣太学诸生曰诚如所说事亦未知也明旦视榜即果如梦中焉彦博以元和五年崔枢下及第上二人李顾行李仍叔谢楚明年于尹躬下擢第

陆賓于

吴郡陆賓于举进士在京师常有一僧曰惟瑛者善声色兼知术数賓于与之往来每言小事无不验至宝歴二年春賓于欲罢举归吳告惟瑛以行计瑛留止一宿明旦谓賓于曰君来岁成名不必归矣但取京兆荐送必在高等賓于曰某曾三就京兆未始得今歲之事尤觉甚难瑛曰不然君之成名必以京兆荐送他处不可也至七月六日若食水族必殊等及第矣賓于乃书于进昌里之牖间日省之数月后因于靖宫北门 一郎官适遇朝客遂廻憩于从孙闻礼之舍既入闻礼喜迎曰向有人惠鲤鱼方欲 翁而烹之賓于素嗜鱼但令具羹至者辄尽后日因视牖间所书字则七月六日也遽命驾诣瑛且给之曰将遊蒲關故来访别瑛笑曰水族已食矣遊蒲關何为宾于深信之因取荐京兆果得殊等明年入省试毕又访瑛瑛曰君已登第矣名籍不甚高当在十五人之外状首姓李名合曳脚时有广丈生朱侏者时议及第监司所送名未登科宾于因问其非姓朱乎瑛曰三十三人无姓朱者时正月二十四日宾于言

于从弟符符书壁间后月余放榜状头李郃宾于名在十六即三十三人也惟瑛又谓宾于曰君成名后当食禄于吴越之分有一事甚速宾于不谕其意及从事于越半年而暴终

王璠

王璠以元和五年登科尝梦为河南尹平旦视事有二客来谒一衣紫而东坐一衣绯而西坐绯者谓紫者曰仑如何处置曰已科决递出界讫觉乃书于诰牒之后别上后二十年果除河南尹既至三日留守大将知水北院官与洛阳令及分司郎官偕至问答一如梦中遽命开篋取官诰所志者备焉乃是郎官家奴窃物而遁送县县断如此

柳及

柳及河南人贞元中进士登科殊之子也家于澧阳尝客遊至南海元帅以其父有名于搢绅士林间俾假掾于广未防娶防长岑氏之女生一男名甌甌及以亲老家远不克迎候乃携其妻子归宁于澧阳未再歲后以家给不足单车重遊南中至则假邑于于武仙再娶沈氏防公事之郡独沈氏与母孙氏在县时当秋夜分之后天晴月皎忽于牖中见一小儿手招沈氏曰无惧无惧某防郎子也告说事状歷然可听沈氏以告其母母乃问是何人有何所请答曰某甌甌也以去年七月身死故来辞别凡人夭逝未满七岁者以生时未有罪状不受业报纵使未即托生多为天曹权録驱使某使当职役但送文书来往地府耳天曹记人善恶每月一送地府其间有暇亦得闲行沈氏因告曰汝父之郡防计亦当即至俄尔及归沈氏具告及固不信曰荒徼之地当有妖怪假托人事殆非山精木魅之所为乎其夕即又于牖间以手招及及初疑尚正辞诘之乃闻说本末知非他乃歔歔涕泗因询其夭横之由答曰去年七月中戏弄遂得痢疾医药不救以至于此亦命也今为天曹收役亦未有托生之期及曰汝既属冥司即人生前定之事可知也试为吾检穷达性命一来相告答云诺后夕乃至曰冥间有一大城贵贱等级咸有本位若幕布焉世人将死或半年或数月内即先于城中呼其名时甌甌已闻呼父名也辄给而对既而私谓沈氏曰阿爷之名已被呼矣非久在人间他日有人求娶沈氏者慎勿许之若有姓周职在军门者即可许之必当偕老衣食盈羨其余所述近事无不征验后一夕又来曰某以拘役有限不得到人间从此永诀矣言词凄怆歔歔而去后四月及果卒沈氏防亦萍泊南海或有求纳者辄不就后有长沙小将姓周者部本郡钱帛货货于广州求娶沈氏一言而许之至今在焉平昌孟防与及相识具録其事

延陵包隰

延陵包隰因选泝舟于隋河时以迫选限舟人寡而力殆乃率同舟僮仆辈七八人次为之挽过符离县之西有古树树下有穴根槃于上若废井然而一仆忽误坠落从而方出乃提一片石广四寸有小其文曰旁有水上有道八百年中逢栲栳众咸异之而莫知所谓防问坠坑者名栲栳也时元和三年九月二十一日矣

沙门道昭

永泰中有沙门道昭自云兰州人俗姓康氏少时因得疾不救忽寤云冥司见善恶报应之事遂出家住太行山四十年戒行精苦往往言人将来之事初若隐晦后皆明验尝有二客来一曰姚邈举明经其二曰张氏以资防不记名僧谓张曰君授官四政慎不可食禄范阳四月八日得疾当不可救次谓邈曰君不利簪笏如能从戎亦当三十年无乏有疾勿令胡人疗之其年张授官于襄邓间后累常求南州亦皆得之后又赴选果授虢州卢氏县令到任两日而卒卒之日果四月八日也后方悟范阳即卢氏望也邈后举不第从所知于容州假军守之名三十年累转右职后因别娶妇求为候者因得疾服姬黄氏之药而终后访黄氏本末乃洞主所放出婢是胡女也

续前定錄

唐 钟谿撰

窆相易

窆相易 初时名秘家贫就业村学教授 有道术而人不知一日近暮风雪暴至学徒悉归家不得已而宿于漏屋之下寒争附火唯窆公寝于榻夜深方觉 抚公令起曰窆秘君后为人臣贵壽之极勉励自爱也及德宗幸奉天日公方举进士亦随驾而乘蹇驴至开远门人稠路隘其扇将阖公惧势不可进闻一人叱驴兼捶其后得疾驰而出顾见一黑衣卒呼公曰秀才已后莫忘旧情及陞朝访得其子提挈累至大官吏中荣达

柳员外

柳宗元自永州司马征至京师意望錄用一日诣卜者问命且告以梦曰余柳姓也昨梦柳树仆地其不祥乎卜者曰无苦但忧遠官耳夫生则柳树仆则柳木木者牧也其牧柳州乎卒如其言

李凉公

李逢吉未掌纶诰前家有老婢好言梦后多有应公望除官因访婢一日婢晨至惨然公问故曰昨夜与郎官作梦不是好意不欲说公强之婢曰梦有人舁一棺至堂后云且置在地不尔即移入堂中此梦恐非佳也公闻梦窃喜俄尔除中书舍人知贡举未毕入相

崔相

崔相国羣之镇徐尝以焦氏易林自筮遇干之大畜其繇曰典策法书藏在兰台虽遭乱溃独不遇灾及经王智兴之变果除秘书监

卢宾客

卢宾客贞白父曰老彭有道术兼号知人元和初宗人宏宣简辞宏正简求俱 焉留坐目之曰一行五节度使可谓盛矣卒如其言又族子锳初举进士就安邑所居谒锳曰尔求名大是美事但此后十余年方得勿以迟晚为恨登朝亦大美官锳至长庆元年始擢第大中十年终庶子

牛师

长庆中鄂州里巷人每语辄以牛字助之又有僧自号牛师乍愚乍智人有忤之者必云我兄

即到岂奈我何未防而相国竒章公带平章事节制武昌军其语乃絕而牛师尚存僧者牛公之名也方知将相之位岂偶然耶

陈存

进士陈存能为古歌诗而命蹇主司每欲与第临时皆有故不果许尚书孟容旧相知知举日万方欲为申屈将试前夕宿宗人家宗人为具入试食物兼备晨餐请存偃息以俟时五更后怪不起就寝呼之不应前视之已中风不能言也

郑滂

进士郑滂在名場歲从輩流多已荣达常有后时之叹一夕忽梦及第而与韦周方同年当时韦氏举人无名周方者益闷之太和元年秋移举洛中时韦宏景尚书廉察陝族弟景方赴举过陝尚书诘曰我名宏景汝兄宏方汝弟景方兄弟各分吾名一字诚无意也遂更名周方滂闻之喜曰吾及第有望矣四年周方升名而果同年焉滂子溥又自说应举时曾梦看及第榜上但见鳳字大中元年求解鳳翔偶看本府乡试首便是鳳字至东都试缙山月夜闻王子晋吹笙诗生侧诸诗悉有鳳字明年果登第焉

孔温

河南尹孔温以补阙諫讨党项贬郴州司马从之得堂兄尚书温业书报云宪府欲取作侍御史日望勅下忽又得书云宰相以右史处之皆无音耗一日有鹊喜于庭若语状孩稚拜且祝曰愿早作官鹊既飞去坠下方寸纸有补阙二字无防遂除此官

王

王与赵憬有布衣之旧常知其才赵公入相自前新涂县令求谒公见极喜给防甚厚将擢为御史时宪僚数少德宗难于除授而赵公之言多行意可以坐待绣衣之拜一日偶诣慈恩寺僧占气色者问早晚得官僧曰观君之色殊未见喜兆此后午年当得一边上御史大笑而归数日赵公奏言御史府阙太多就中监察尤为要官臣欲选择三二人上曰此官须得孤茂实充选料卿只应取轻薄后生朝中子弟耳此不如不置公曰臣之愚见正如圣虑欲矜録事参军县令中求上喜曰如此即朕之意公因荐二人其一即也上曰早将状来公既出逢裴延龄时以次对问公曰相公奏何事喜气充溢公不对延龄愠骂而去云为此老所请得行否既见上奏事毕因问曰赵憬向论何事上曰赵憬极心公因说御史事延龄曰此大不可陛下何故信之且憬身为宰相岂谄州县长绩効向二人又不为人所称憬何由身知之必私也后来陛下但诘其所自即知矣他日上果问云卿何以知此二人公曰一是故人一与臣防亲谄熟之上无言他日延龄又入上曰憬所请果如卿料遂寝不行遂归故林而赵薨于相位后数年边帅奏为从事得假御史焉

黄损

黄损连州人有大志举于庐山与桑维翰宋齐丘相遇每论天下之务皆出损下损亦自居无何遊五老峯遇磐石少憩顷之有长啸而至指维翰齐丘曰公等皆至将相但各不得其死耳次指损曰此子有道气可以居若求官不过一州从事耳宜思之损甚怒曰休戚之数定矣吾先知也何怒乎后皆然

张宝藏

贞观中张宝藏为金吾长尝因下归栎阳路逢少年畋猎割鲜野食倚树叹曰张宝藏身年七十未尝得一食酒肉如此者可悲哉傍有一僧指曰张宝藏六十日内官登三品何足叹也言讫不见宝藏异之即时还京师时太宗苦于气痢众医不効即下诏问殿庭左右有能治此疾者当重赏之宝藏尝困是疾即具疏以乳煎葦拨方进上服之立差宣下宰臣与五品官魏征难之逾月不进拟上疾复发问左右曰吾前饮乳煎葦拨有効复命进之一啜又平复因思曰尝令与进方人五品官不见除授何也征惧曰奉诏之际未知文武二吏上怒曰治得宰相不妨已授三品官我天子也岂不及汝耶乃厉声曰与三品文官授鸿胪卿时六十日矣

崔龟从

崔从末达时尝至宣州梦到一府门屋宇深大非人间所有有绿衣吏抱案从揖而问之绿衣亦喜云生人簿籍也崔问曰某未达应举请为一检可乎吏唯之因为检曰灼然及第科名极高官至此州刺史言讫遂觉崔自喜之明年果中第又聯得科目官至中书舍人出为华州刺史因谓妻曰昔梦皆验今为刺史位至此矣当为身后之计俄除户部侍郎深不自防寻出为宣州观察使至日吏白曰旧例长史到皆谒敬亭神庙崔公命驾谒之既到道路门巷皆昔梦中所遊入门宛然遂陞堂见西壁有画着绿吏抱案其吏即梦中所见乃归而怏怏又谓妻曰昔梦绿衣人云合自此州刺史此已任矣及旬日得疾治之不愈谓妻曰本来之说此其验矣妻曰昔日为遊客尚获佳梦今为地主合再祈之崔公乃置酒食进祝之其夕又梦敬亭神自至曰大夫防愈幸无忧也崔即告本庙吏之词神曰吏以公当为此州偶然尔公位极重不可尽言自此去尚有十四年壽耳言讫而觉崔公疾寻差后皆如其言时开成四年也

孙思邈

孙处俊尝以诸子见思邈曰俊先显侑晚贵侄福在执兵后皆验又太子詹事卢齐卿之少也思邈曰后五十年位方伯吾孙为属吏愿自爱时思邈之孙溥尚未生及溥为萧丞而齐卿为徐州刺史

武居常

武居常天后高祖也少时遊洛下人谓为猴颊郎以居常頤下有若猿颌也其上有四靨一日

伊水上遇一丐者曰郎君当有身后名而骨法当刑然有女当八十八后起家暴贵寻亦浸防居常不之信后卒如其言

房 齡

房 齡来买卜成都日者笑而掩鼻曰公知名当世为时贤相奈无继嗣何公怒时遗 以三歲在侧日者顾指曰此儿此儿此儿絕房者此也公大怅而还后皆信然也

明皇

明皇始平祸乱在宫所与道士冯存澄因射覆得卦曰合因又得卦曰斩關又得卦曰铸印乘轩存澄啓谢曰昔此卦三灵为最善黄帝胜炎帝而筮得之所谓合因斩關铸印乘轩始当果断终得嗣天明皇掩其口曰止矣默识之后即位应其术焉

姚宋

明皇初登极梦二龙衔符自红雾中来上大 姚崇宋璟四字挂之两大树上蜿蜒而去梦迴上召申王圓兆王进曰两木相也二人各为天遣龙致于树即姚崇宋璟当为辅相兆矣上叹异之

柳柳州

罗池北龙城胜地也役者得白石上防刻画云龙城柳神所守驱厉 山左首福土氓制九丑余得之不详其理特欲 余于斯欤

宗

宗幸东都偶秋宵与一行师共登天宫寺阁临眺久之遐顾凄然发叹数四谓一行曰吾甲子得无患乎一行进曰陛下行幸万里圣祚无疆及西狩初到成都前望大桥上举鞭问左右曰是桥何名节度使崔圆跃马进曰万里桥上因追叹曰一行之言今果符之吾无忧矣

李卫公

太尉卫公为并州从事到职未旬月忽有王山人者诣门请谒公与之及席乃曰某善按年也公初未之奇因请虚正寝备几案纸笔香水而已因令垂帘静伺之生与公皆坐于帘下顷之王生曰可验矣纸上书八字甚大且有指注曰位极人臣壽六十四生遽请归竟亦不知所去及防昌朝三行防至一品薨于海南果符王生所按之年

李景让

宣宗将命相必采中外人情合为相三两人姓名撚之置香案上以碗覆之宰相阙必添香探丸以命草麻上切于李景让竟探名不着有以见其命也

康

牛相新昌宅 师号为金碗言金或伤庶可重制前将作大匠康 宅 自辨岗阜形势以其宅当出宰相后每命相有案必引头望之宅竟为牛所得

刘逸

刘逸淮在汴州时韩 为右厢都虞侯王某为左厢与 相善或譖王不利于刘刘大怒召诘之王年老股战不能自辩刘令拉坐杖三十新造赤棒头径数寸固以筋漆数五六当死矣韩意其必死及昏造其家怪无哭声访问即言大使无恙 遂至卧内问之王曰我读金刚经四十年今方得力就说初坐时见巨手如簸箕翕然遮背因袒示韩都无挞痕